

Innviðaráðuneyti,
Sölvhólgötu 7
101, Reykjavík

Efni; Samráðsgátt, umsögn varðandi drög að reglugerð um umferðamerki og notkun þeirra.
Mál nr. 124/2022.

Breytingar á reglugerð um umferðamerki

Áfangastaðastofa Austurlands starfar innan Austurbrúar. Austurbrú er sjálfseignarstofnun sem stofnuð va á grunni Þekkingarnets Austurlands, Próunarfélags Austurlands, Markaðsstofu Austurlands og Menningarráðs Austurlands og annast auk þess daglegan rekstur Sambands sveitarfélaga á Austurlandi. Áfangastaðastofa Austurlands vinnur að þróunarverkefnum og kynningar- og markaðssetningu á áfangastaðnum í virku samstarfi við hagaðila með það að markmiði að skapa sem besta upplifun af áfangastaðnum. Unnið er samkvæmt áherslum sem settar hafa verið fram um áfangastaðinn en grunnurinn að öllu starfi liggur í áfangastaðastaðáætlun. Unnið er markvisst með upplifun innlendra og erlendra gesta, jafnt og íbúa.

Líkt og aðrar áfangastaðastofur hefur áfangastaðastofa Austurland undanfarin ár unnið að þróun á ferðaleiðum á svæðinu. Ferðaleiðirnar eru fimm og hafa þær þróast í samstarfi við fyrirtæki og þjónustuaðila hér á svæðinu og þjóna þeim tilgangi að reyna að dreifa ferðamönnum um svæðið en líka til að vekja áhuga á öllu því skemmtilega og spennandi sem við erum með á svæðinu. Leiðirnar fimm auðvelda ferðamönnum að ferðast um landssvæðið sem er víðfemt.

Við fögnum því að það sé loksins komin heimilid fyrir brún skilti. Það sem slær okkur þó að í reglugerðinni er eingöngu talað um ferðamannastaði og að staðir þurfi að uppfylla viðmið Vörðustaða. Í Vörðuverkefninu er aðeins gert ráð fyrir ákveðnum ferðamannastöðum og horft algjörlega framhjá ferðamannaleiðum og ljóst að þær munu aldrei geta uppfyllt öll skilyrði fyrir Vörðu og ættu því skv. þessari reglugerð ekki að geta fengið brún skilti. Það er því svo að ferðamannaleiðir munu vera ómerktar Ávinningur af góðri ferðamannaleið eða vegi getur skilað sér til ferðapjónustunnar og um yrði að ræða nýja söluvöru. Til þess að það gangi upp er ekki nóg að varan sé kynnt á netinu en á sjálfri ferðaleiðinni eru engar upplýsingar.

Áfangastaðastofur og skilgreining á ferðamannaleið:

Áfangastaðastofur landshlutana í nánú samstarfi við sveitarfélög ættu að hafa hlutverk um að skilgreina hvaða vegir séu innan ferðamannaleiðar og þannig hvaða ferðamannaleiðir ætti að fá að merkja með brúnum upplýsingaskiltum.

Niðurlag:

- Gera þarf grein fyrir ferðaleiðum í reglugerð um umferðarskilti.
- Grunnskilti sem nota má í framkvæmd eru til hjá Vegagerðinni.
- Kennimerki og ferðaleiðir eru ákvarðaðar af Áfangastofum landshlutanna í nánú samstarfi við sveitarfélög.
- Skilti fyrir ferðamannaleið, hafa upplýsingagildi, tryggja leiðaval og öryggi, neytenda.
- Ensk heiti ferðaleiða ná betur til neytenda (erlendra ferðamanna).
- Til eru alþjóðleg fordæmi fyrir notkun brúnna skilta til vegvísunar á ferðaleiðum.